

Die fisiese trek uit die moderne Egipte

Uit voorafgaande is dit duidelik dat daar groepe en individue sal wees wat tans (Desember 2025) in Suid-Afrika is en wat in verskillende stadiums van trek in die gees is. Party is nog in Egipte, maar oppad Migdol (Koningsorde) toe, ander het al daar aangekom, en ander is alreeds Migdol. Migdol is die geestestoestand van die siel wat nou met JaHshua, die Skaapstoring innerlik verbind het en gereinig (woestyn toestand) moet word vir 'n tydperk.

Daarna is daar nog 'n trek in die gees, naamlik die trek vanuit die geestelike woestyn deur die Jordaan rivier na die hemelse Kanaan toe, wat die finale hemelse geestestoestand voorstel waar die wedergebore mens homself in 'n toestand sal bevind waar hy terselfdertyd in die vlees, sy lieggam, sal wees sowel as in sy geestesliggaam, waarin hy sal vertoef, vry van materie, tyd en ruimte. Dit is die "wegruk van die kind na Elohim se troon", wat binne-in jou sal plaasvind sodra jy alle vleeslikheid oorwin het. Hierdie plek is ook in die hart geïdentifiseer, en word genoem Gildgal, die plek waar Joshua laer opgeslaan het voordat hy Jerigo se mure laat val het, en ook die Vader ontmoet het. Ook hierdie plek het die Vader in die materie opgerig met 'n wonderbaarlike direkte openbaring, gevolg met talle bevestigingsopenbarings. Ons sal later daarby kom.

Hoe gaan hierdie eerste versameling by die Sionsberg/Migdol georden kan plaasvind, indien dit nie ook fisies by 'n versamelingspunt gaan plaasvind nie. Ons beweeg in 'n tydperk in, nadat die geweldige natuurkatastrofe plaasgevind het, waar alle kommunikasie en verbinding tot niet sal wees. Paaie sal onbegaanbaar en gevaarlik wees, telekommunikasie sal nie bestaan nie, die oorblywende mense sal verward rondhardloop en oorlewingsmiddele soek. Hoe gaan hierdie versameling dan plaasvind en waar gaan almal bymekaarkom? In die gees weet ons nou dat ons by Migdol/JaHWèshua sal bymekaarkom, oftewel dat ons Hom in ons harte moet hê. Maar wat van die fisiese, hoe gaan mense in verwoeste stede, pessiëktes, aardbewings en tsunamis, met skreeuende mal hordes barbare met pangas om hulle, nou regkom met Migdol in hulle harte alleenlik? Daar sal 'n trek moet plaasvind. Migdol in die hart, stel die eerste Pasga voor, waar slegs diegene met die bloed van die Lam aan die deurposte van hulle harte, gekies sal word, anders gestel, beskerm sal word om na die eerste stop voor die Rooisee, naamlik die fisiese Migdol te gaan. Hiervoor het ons die volgende interessante profesieë ontvang van ons wonderlike JaHWèshua Self.

MAAK EN BREEK – deur Louise Snyders - Hoofstuk 1

Koos de la Rey

Die volgende boodskap aan Koos de la Rey: "Gaan met 10 man te perd na die Noordweste en wag daar op MY Woord!" Hy het dadelik gegaan en MY boodskap sorgvuldig uitgevoer. Daarin lê die gehoorsaamheid – dat 'n kneg MY Woord uitvoer.

Daar aangekom, het hulle afgesaal en op MY Woord gewag. EK het weer MY kneg (Siener van Rensburg) na hom gestuur met die volgende Woorde: "Rig vir MY 'n pilaar op ter bevryding van jou volk. EK sal jou volk gedenk in die volgende geslagte wat sal kom, want hulle is MY uitverkorenes!"

Die pilaar staan vandag nog en is te sien by Migdol wat beteken 'Skaaptoring'.

MY volk, EK het julle lief, maar julle gedenk MY nie. Daar is 'n geringe oorblyfsel onder julle wat MY Aangesig soek. Sorg dat julle MY vind, want EK is die Alfa en die Omega.

Amen

So het ons Vader dan wel 'n merker in die materie opgerig, as afbeelding van die innerlike Migdoltoring wat in nou aan die eindtyd in ons harte opgerig moet wees, ter bevryding van ons volk in die laaste geslagte, en hierdie fisiese toring is by Migdol in Wes-Transvaal, tussen Delareyville en Schweizer Reyneke.

Ons by Dogter van Sion was vreeslik opgewonde oor hierdie boodskap en het dadelik daarheen gereis om meer oor hierdie toring te wete te kom. Ons eerste besoek, wat 'n paar ure was, het niks opgelewer nie; selfs die ou inwoners het geen kennis gedra hiervan nie. Daarna is 'n tweede ekspedisie gestuur van 8 mense wat gedeeltes gefynkam het aan die Hartsrivier waar die ou transportroete deur die rivier gekom het. Ook tevergeefs. Hier is ons Vader se boodskappe in verband met die pilaar op Migdol sowel as Sy antwoord op ons vrugtelose (en eiesinnige) soektogte. Ek plaas dit vir u, omdat ek weet dat u ook, soos ons, nuuskierig is. Dit is maar die aard van die mens, - soek eers met sy eie krag en wil, en raadpleeg nie die Gewer en Openbaarder van alle geheimenisse nie.

WOORD VAN VADER deur Louise Snyders

Vrydag 10 Okt. 2007 23:30

(vergelyk met hfst.1 van "Maak en Breek" (dit kom nog!) wat ek 'n week later ontvang het.)

Soos 'n klavier se note verband hou met 'n ghitaar,

So hou MY Woord verband met 'n pilaar.

'n Pilaar wat in nood bevry.

So, gedenk MY en jy sal aan die lewe bly.

Hierdie pilaar is eerstens JaHWèshua as die Ware Migdol, tweedens die te opgerigte Melgisédek-orde as die klein Migdol en derdens die innerlike plek Migdol in die hart waar alles wat geprofeteer is, sal plaasvind.

Uittreksel uit Woord van Vader op 10 Nov om 02h41

... Wees daarom nie meer bevrees nie, want daar is belangriker dinge om te doen as om bekommerd te wees oor iets wat julle nie kan verander nie. Vertrou net op MY en Ek sal julle uitred en hy sal saam met julle daar by die pilaar vergaar, waar julle MY sal sien en julle sal My dien en 'n heilige, gereinigde volk wees.

Hier bevestig Vader weer 'n volksversameling te Migdol, waar selfs die voorheen gestorwe kinders

teenwoordig sal wees as 'n gereinigde en apartgestelde volk.

Donderdag, 22 November 2007 om 11:46

Het jy MY weg gevind

Jy het jou berou

En geheel aan MY vertrou

EK sal jou bou tot 'n sterk pilaar

In MY RYK

So streef na MY

EK sal jou verbly

En jy sal MY liefde voel

Julle lyding het altyd 'n doel

MAAK EN BREEK – deur Louise Snyders - Hoofstuk 42

Wees daarom gewaarsku – **die dag van oordeel kom nader**. Trou moet MYNE by MY kom vergader. Daarom maak EK almal wakker sodat julle, julle by MY moet kom skaar, want EK het julle lief en wil geeneen laat verlore gaan nie en roep julle tot MY Vaderbors waar EK julle styf wil vashou, terwyl die winde buite waai en die **barbaarse skare hulle assegaai swaai**. "Kom na MY toe"! roep EK weer sodat EK MY oor julle kan ontferm en julle na veiligheid kan bring, waar julle vir MY sal sing en **wees nie besorg oor die pilaar nie, want hy is daar, net soos EK daar is en julle MY nie sien nie, en tog is hy daar**. **Saam sal EK julle by die pilaar vergaar, net soos EK julle by MY voete vergaar**. Dit sal 'n dag wees van buitengewone vreugde, want julle sal MY kan sien en in julle midde sal EK wandel. Soos 'n broer tussen julle rondloop, sal EK tussen julle wees en julle sal julle verbly. Maar, en 'n Groot Maar, julle moet julle vrywillig en nou na MY keer en by MY moet julle kom skuil en niemand wat in MY kring kom staan, sal eers weet van die dreigende gevaar nie, want EK sal julle besig hou met lofliedere in julle hart. Ja, groot sal wees die wêreld se smart, in hulle aanskouing van die dood en hulle sal spyt wees dat hulle nie ag gegee het op MY waarskuwings en uitnodiging nie. **Vrees nie die nag van die lang messe nie**. EK is reeds gereed met MY hele Engeleskaar en soos Krygers wag Ons om te vergeld julle verdrukke wat hulle op julle wil wreek. Dit sal 'n slag wees wat hulle nooit sal vergeet nie en die wat oorbly sal geslagte daarna nog van die Groot Gees van Verskrikking praat en nooit weer sal hulle 'n hand teen julle lig om julle te skaad nie, uit ontsag vir MY. Dit spreek EK, Die Almagtige EL van hemel en aarde en niemand sal MY Woorde verander of uitspoeg as EK hulle dit ingegee het nie.

MAAK EN BREEK – deur Louise Snyders - Hoofstuk 48

Wees daarvan verseker dat EK wel jou gebed hoor, maar dit eers 'n bietjie later sal beantwoord, indien dit nodig is. As dit dringend is, en EK weet wanneer dit dringend is, sal EK jou dadelik beantwoord. Neem die voorbeeld van die pilaar. **EK weet waarom hy nie die eerste keer gevind is nie. EK weet waarom EK die pilaar vir julle oë gesluit hou en julle moet daarby berus dat EK die pilaar aan julle sal wys op die regte tyd**. Julle weet nie wat in die wêreld om julle aangaan nie, maar EK weet, en daarom sal EK ook julle gebede in verband met die pilaar beantwoord op die regte tyd. En julle sal MY loof, omdat MY besluite

wonderbaar is en julle sal nie kan glo dat julle die pilaar nie met die eerste soektog gevind het nie. Dinge sal dan duidelik aan julle gemaak word. Vrees nie die bose nie, want hulle kan aan julle niks maak, as julle by MY kom skuil nie. Dit is MY woorde wat nooit vergaan nie. Skuil onder die vleuels van MY woorde, sodat EK julle met MY liefde en vrede kan oordek en niemand - EK herhaal - niemand sal julle skade aandoen nie. MY woorde is verseker en gewis en gaan nooit verby sonder dat julle dit sal sien en daarvan kan getuig nie. Dit is MY woorde.

Amen

Die volgende gedigte, aan **Marietha Nel** gedikteer deur die innerlike Woord, wat ook nog getoonset moet word, verwys ook na hierdie pilaar waar die Boervolk sal vergader. Dit is ook nou in November 2007 deur ons Vader gegee.

Dinsdag, 20 November 2007 om 04:01

Laat ons sing en ons harte tooi

Met reine liefde die gaste nooi

Want die Bruidegom kom

HY kom haal sy blom

HY kom om af te wend haar smaad

Sodat niks haar ooit weer skaad

Bring HOM al die eer en loof SY Naam

Sing en jubel almal saam

HY kom om SY bruid te dra

Net soos sy lankal vra

MY volk, MY Sion, rein

Jý is MY bruidjie klein

EK kom as jou Bruidegom

Jy is MY blom

In MY arms gaan EK jou veilig dra

Jy kan jou verlossing van MY vra

Vir jou, o Sion, het EK die kruis gedra

Uit jou kom voort MY Elia

Wat beteken, MY kind

Want jy het MY gevind

En het gebaar MY koningskind

Dit sê EK nou vooruit vir julle, want dit sal julle bereik, die eenwording met MY. **En by MY pilaar, sal julle, MY kleine skaar, dit vir MY sing**.

Duidelik en onomwonde, is die Bruid, die Sionsvolk wat by Sy pilaar, wat 100 jaar tevore deur Oom Siener van Rensburg en Generaal Koos de la Rey opgerig is en wat nou geestelik in ons eensgesinde harte is, sal vergader en hierdie nuwe lied sal sing. Dis is nog 'n lied wat die ander nie sal kan sing nie, soos wat in **Openbaring 5 en 14** genoem word.